

雞足山志

10733-5
68.82
部=107

卷十	卷九	卷八	卷七	卷六	卷五	卷四	卷三	卷二	卷一	卷首
五言古七言古五言律七言律 五言排七言排五言絕六言絕	賦 藝文中 碑記	遊記 藝文上 震蹟 花 珠 震翰 食品	高隱 仙 流寓 名賢 道流 橋	禪僧 坊 靜室 廟 菴堂	寺院	祠 寺 菴 閣 樓 殿 塔	泉水 池 潭 湖 瀑 潭	山谷 峯 崖 壁 林 洞 臺 坡 岡 嶺 石 峽	形勢 攷証 星野	序 舊序 目錄 指掌圖 指掌圖記 像贊

序

雞山奇秀甲天下與峨嵋九華天台雁
宕相爲伯仲茅以僻處滇西遐荒萬里東
南之士鮮有出其地者然而歷覽山川非
有煙霞之癖在予胸中山水之緣結於夢
寐不可與言述不始農夫估子歲之登臨
信其得於其能領異山川之勝者哉何者

序

一

魯人先生則大異焉先生江左名士文章經
濟傾動當時又性好吟咏閱歷山川歲遍天
下所到之處無不爲題積而成帙余嘗得
茲觀焉今春有雞山之遊爰作述記及登
山諸什序次錯後以柳州華蓋詩刻以
隨之遺不同凡響觀其杖履所至筆歌墨
舞有潇洒出塵之想而雞山名勝星羅棋布

喜不了。猶推心目間者。先生所云身歷而得。
遙望而得。神會而得之。語詢非誣人也。余流
浪滇西十有餘載。當窈慕斯山。勝未徠一
探其奇。今而後將日。誦先生之記。與詩。以
當卧遊。又何必戒以。李命僕夫。問道所從。
始云暢遊。此外是為序。

吳門同學弟陸翼相題

序

二



雞足山志序

余宦轍所經頗與山水有緣尋嵩抵洛歷華之秦泛洞庭詣廬嶽臨浙濤探禹穴其間奇峰幽壑川月溪

叙一

泉賢蹤聖路寶刹琳宮以及懸虹飛瀑古木名花平生意想不到之境靡不飫聞饜見而獨於滇西雞足山余心不能無憾焉自奉

命撫滇榮歷兩任因駐節昆明
與山相距數百里無從假
道一往每於公餘退食披
讀滇志中遊山諸記亦第
就其人偶爾所至觸目濡

敘二

毫以自寫其登眺臨流之
致而於山之勝概巨觀呈
奇競秀變幻莫可名狀者
何能包舉無遺對此茫茫
既乏探幽之便又鮮博物

之書山靈寂寞未免笑人
此余所以不能無憾也辛
未冬

制軍范公巡歷金江順遊
名勝慨然增修山志事既

叙三

竣寺僧捧志呈覽流連諷
誦於山水形勢得起伏流
峙之由於星辰分野得經
緯昭回之度於雲霞草木
得霏布滋蔓之容於仙綱

佛窟得貝葉琪花之派於
文章宗旨得抒靈標性之
機於蟲魚鳥獸得屈伸動
植之理別類分門搜鉅剔
細栩栩然覺神遊其際而

叙四

五百里之名山勝地近在
磨丹漬墨間也播諸中邦
洵爲方外之奇傳諸奕葉
並壽不刊之典且此書出
而臥遊有具余亦得藉以


告無憾耳是爲序

肯

康熙三十一年八月既望

廣寧王繼文序

叙五



雞足山志序

雞足山得名於宇內其來
已久余少時嘗聞遊滇者
談其勝心竊慕之然在萬
里荒徼外名可得聞地不
可得而至也今

序一

上二十五載奉

命總制滇黔意以爲雞山之遊
或可得遂及抵滇駐節於
昆明池上詢此山蓋在葉

榆境內距省尙數百里每
披滇乘頗得其概心益艷
之然束於官守雖欲登覽
而莫由也辛未冬奉

旨巡歷金沙江因會提軍於

序二

賓川城下甫獲假道一遊
信宿而登絕頂周覽形勢
方知此山發脉西域來龍
萬里盤廻紆鬱三嶺前伸
一岡後距儼然雞足焉中

界二溪支分派衍恍有山
陰道上千巖競秀萬壑爭
流之致顧而樂之因向寺
僧索山志僧曰無之因詰
之曰斯山得名已久雖遠

序三

居荒徼往古無論已自明
迄今三百餘載豈無高人
達士徜徉探覽紀其勝於
車塵馬足之餘者乎僧曰
昔曾有志創於徐弘祖輯

於僧大錯疊罹兵燹板爲
火燬舊本散失無存間有
存者亦不能無不純不備
之感余以巡歷事迫疾驅
去之今年春忽寺僧持舊

序四

志殘編至且請增修余思
此山爲滇西名勝不可無
紀退食之暇聊爲刪其蕪
陋補其闕略付寺僧梓之
雖余以倉卒經行未暇冥

搜幽討備述其奇然而斯山之勝約具於此世有慕其名而未獲至其地者一覽是編俾萬里荒徼之山川可一旦而遊於几席之

序五

近豈非快事歟至於山寺土田多在賓鄧二州間盈縮無常增損不一其田糧賦役自有有司主之志內俱略而弗載懼混也是爲

序

康熙三十一年歲次壬申

孟秋月穀旦

總督雲南貴州等處地方

軍務兼理糧餉兵部右侍

序六

郎兼都察院右副都御史

加三級瀋陽范承勲蘓公

氏題



雞足山志序

擅天地之靈奇者無如山水
而能闡山水之靈奇者賴有
人文是則山水之在天地非
文而何能發揮若是哉昔謝
靈運在當世其步履非不遍

冰序一

探索非不深乃獨遺一雁蕩
是豈時之有顯晦良由足之
有至有不至耳如雞山屬在
西域稱名已久自釋迦佛於
靈山拈花以示正法眼藏教
外別傳之旨特以衣鉢付囑

迦葉命入定雞山以待彌勒
歷周孝王至今三千餘季事
載經書豈虛誕而無所攷述
哉然在向來名公鉅卿軒車
或未一至卽至亦僅信宿而
返未獲畱以文詞於是名山

冰岸一

佳勝不同於草木之無聞也
鮮矣昔有人識鐵船探玉策
必經數日登陟載之以文是
乃所謂搜奇覽勝者矣蓋雞
山去中華極遠文獻少所徵
信自大鎔和尚纂修成志雞

山之勝槩乃傳屹然與普陀
五臺峨眉並峙其志雖不備
美而志實始於此辛未冬
制府范公奉

簡命巡歷諸邊乃於公暇卽登臨
焉復捐金建閣其上揮如椽

冰序三

之筆燦珠玉之章頓使佛土
生光山靈起色將與燕然之
石永垂奕禩山水之賴人文
顧不重哉後之採風者披覽
之下瞭然若指諸掌謹序
臨濟三十二世香海本元冰